

十七史商榷

十七史商榷

十七
百曆
七
壽
權
一

光緒十九年秋七月
廣雅書局校刊

十七史商榷序

十七史者上起史記下訖五代史宋時嘗彙而刻之者也商榷者商度而揚榷之也海虞毛晉汲古閣所刻行世已久而從未有一全校之一周者予爲改譌文補脫文去衍文又舉其中典制事蹟詮解蒙滯審覈踳駁以成是書故名曰商榷也舊唐書舊五代史毛刻所無而云十七者統言之仍故名也若遼宋等史則予未暇及焉大抵史家所記典制有得有失讀史者不必橫生意覓馳騁議論以明法戒也但當攷其典制之實俾數千年建置沿革瞭如指掌而或宜法或宜戒待人之自擇焉可矣其事蹟則有美有惡讀史者亦不必強立文法擅加與奪以爲褒貶也但當攷其事蹟之實俾年經事緯部居州次紀載之異

同見聞之離合一一條析無疑而若者可褒若者可貶聽之天下之公論焉可矣書生匈臆每患迂愚即使攷之已詳而議論褒貶猶恐未當況其攷之未確者哉蓋學問之道求於虛不如求於實議論褒貶皆虛文耳作史者之所記錄讀史者之所攷核總期於能得其實焉而已矣外此又何多求邪予束髮好談史學將壯輟史而治經經旣竣乃重理史業摩研排纘二紀餘年始悟讀史之法與讀經小異而大同何以言之經以明道而求道者不必空執義理以求之也但當正文字辨音讀釋訓詁通傳注則義理自見而道在其中矣譬若人欲食甘操錢入市問物有名甘者乎無有也買飴食之甘在焉人欲食鹹問物有名鹹者乎無有也買鹽食之鹹在焉讀史者不必以議論求法

戒而但當攷其典制之實不必以褒貶爲與奪而但當攷其事蹟之實亦猶是也故曰同也若夫異者則有矣治經斷不敢駁經而史則雖子長孟堅苟有所失無妨箴而砭之此其異也抑治經豈特不敢駁經而已經文艱奧難通若於古傳注憑己意擇取融貫猶未免於僭越但當墨守漢人家法定從一師而不敢佗徙至於史則於正文有失尙加箴砭何論裴駙顏師古一輩乎其當擇善而從無庸徇固不待言矣故曰異也要之二者雖有小異而總歸於務求切實之意則一也予識暗才懦一切行能舉無克堪惟讀書校書頗自力嘗謂好箸書不如多讀書欲讀書必先精校書校之未精而遽讀恐讀亦多誤矣讀之不勤而輕箸恐箸且多妄矣二紀以來恆獨處一室覃思史事

既校始讀亦隨讀隨校購借善本再三讐勘又搜羅偏霸襍史稗官野乘山經地志譜牒簿錄以暨諸子百家小說筆記詩文別集釋老異教及於鐘鼎尊彝之款識山林冢墓祠廟伽藍碑碣斷闕之文盡取以供佐證參伍錯綜比物連類以互相檢照所謂攷其典制事蹟之實也暗砌蛩吟曉窗雞唱細書欽格夾注跳行每當日輪火爆肩山石壓猶且吮殘墨而凝神搨禿豪而忘倦時復默坐而翫之緩步而繹之仰眠牀上而尋其曲折忽然有得躍起書之鳥入雲魚縱淵不足喻其疾也顧視案上有藜羹一盃糲飯一盂於是乎引飯進羹登春臺饗太牢不足喻其適也凡所攷者皆在簡睂牘尾字如黑蟻久之皆滿無可復容乃謄於別帙而寫成淨本都爲一編計史記六卷漢書

二十二卷後漢書十卷三國志四卷晉書十卷南史合宋齊梁
陳書十二卷二史合魏齊周隋書四卷新舊唐書二十四卷新
舊五代史六卷總九十八卷別論史家義例崖略爲綴言二卷
終焉閑館自攜寒燈細展指瑕索癥重加點竄至屢易稿始定
噫嘻予豈有意於著書者哉不過出其讀書校書之所得標舉
之以詒後人初未嘗別出新意卓然自著爲一書也如所謂橫
生意見馳騁議論以明法戒與夫強立文法擅加與奪褒貶以
筆削之權自命者皆予之所不欲效尤者也然則予益以不著
爲著且雖著而仍歸於不著者也學者每苦正史餘塞難讀或
遇典制茫昧事蹟樛葛地理職官眼昧心瞽試以予書爲孤竹
之老馬置於其旁而參閱之疏通而證明之不覺如關開節解

筋轉脈搖殆或不無小助也與夫以予任其勞而使後人受其
逸予居其難而使後人樂其易不亦善乎以予之識暗才懦碌
碌無可自見猥以校訂之役穿穴故紙堆中實事求是庶幾啟
導後人則予懷其亦可以稍自慰矣夫書旣成而平生不喜爲
人作序故亦不求序於人聊復自道其區區務實之微意弁之
卷端序所不足者綴言具之云進士及第通議大夫光祿卿前
史官嘉定王鳴盛譔

十七史商榷序

十七史商榷目

卷一 史記一

史記集解分八十卷

索隱正義皆單行

遷字子長

子長遊蹤

史記所本

史記勑立體例

十篇有錄無書

褚先生補史記

徐廣音義

裴注所采

裴注下半部簡略

索隱改補皆非

卷二 史記二

殷本紀裴注誤

始皇本紀贊後人所亂

江西江東

鄭注非康成

項氏謬計四

高祖紀不書諱

似君當作以君

劉項俱觀始皇

劉藉項噬項

漢惟利是視

不許趙高

爲羽發哀

高祖年當從臣瓚

少帝諸王皆非劉氏

武紀妄補

卷三 史記三

共和庚申以前無甲子紀年

商年數諸書互異

世表末妄補

餘祭年表誤

周敬王以下世次

八書所本

卷四 史記四

魯世家與年表相違

滅楚名爲楚郡

孔子世家

外戚世家附

三召平

四皓

張負

陳平邪說

梁孝王世家附

五宗世家

三王世家

卷五 史記五

正義改列傳之次

刑名

弟子籍

范雎傾白起殺之

張耳弑故主

諸傳互見

韓信兵法

信自立爲假王

信反面攻故主

田榮擊殺田市

灌嬰於平諸呂爲有功

卷六 史記六

酈陸傳附

張恢先

聶翁壹

匈奴大宛

衛將軍驃騎

公孫弘等

司馬相如

司馬相如傳贊後人所亂

儒林傳

酷吏傳

通飲食

滑稽傳附

史通駁史記

太史公

司馬氏父子異尚